



სატენდერო დოკუმენტაცია

მსხვილფეხა მეწველი პირუტყვის (ფურები) შესყიდვა გამარტივებული ელექტრონული ტენდერის
საშუალებით
(კლასიფიკატორის დანაყოფი 03300000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს
კანონის და „გამარტივებული შესყიდვის, გამარტივებული ელექტრონული ტენდერისა და
ელექტრონული ტენდერის ჩატარების წესის“ საფუძველზე.

ქ. თბილისი
2012 წელი

სარჩევი

1.	ინსტრუქცია ელექტრონულ ტენდერში მონაწილეობის მისაღებად	3
2.	ტენდერში მონაწილეობის უფლება.....	3
3.	მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად	3
4.	ტექნიკური დოკუმენტაცია	3
5.	საკვალიფიკაციო მონაცემების დამადასტურებელი დოკუმენტები.....	4
6.	შესყიდვის ობიექტის ტექნიკური მოთხოვნები.....	4
7.	დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:	5
8.	სახელმწიფო შესყიდვების შესახებ ხელშეკრულების პროექტი.....	6
9.	დანართი N1 (ფასების ცხრილის ფორმა)	10

ინსტრუქცია გამარტივებულ ელექტრონულ ტენდერში მონაწილეობის მისაღებად

1. ტენდერში მონაწილეობის უფლება

1.1 ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. მოთხოვნები, რომელსაც უნდა აკმაყოფილებდეს პრეტენდენტი ტენდერში მონაწილეობის მისაღებად

2.1 პრეტენდენტს უნდა გაჩნდეს შემოთავაზებული საქონლის სახელმწიფო კომპეტენტური ორგანოს მიერ გაცემული ჯანმრთელობის მდგომარეობის შესაბამისი დოკუმენტი.

3. ტექნიკური დოკუმენტაცია

3.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

3.1.1 პრეტენდენტის სრული რეკვიზიტები (დასახელება, იურიდიული და ფაქტიური მისამართი, ხელმძღვანელის სახელი და გვარი, ტელეფონის ნომერი, ელ. ფოსტის მისამართი, საბანკო რეკვიზიტები);

3.1.2 ფასების ცხრილი დანართი N1-ში მოცემული ფორმით. განფასებაში მითითებული უნდა იყოს შესყიდვის ობიექტი, ერთეულის და საერთო ფასი.

3.2 სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ამ პუნქტის 3.2.1 განსაზღვრულ მოთხოვნებზე.

3.2.1 სატენდერო წინადადებით შემოთავაზებული საქონელი სრულად უნდა შეესაბამებოდეს მე-5 პუნქტში მოცემულ ტექნიკურ მოთხოვნებს;

3.2.2 პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი ხელმოწერილი უნდა იყოს უფლებამოსილი პირის მიერ და დამოწმებული ბეჭდით (მისი არსებობის შემთხვევაში).

3.2.3 ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე.

3.2.4 მიღებული საქონლის ღირებულების ანაზღაურება მოხდება არაუგვიანეს 20 (ოცი) სამუშაო დღისა შესაბამისი მიღება-ჩაბარების აქტის გაფორმებიდან და სათანადო დოკუმენტაციის წარმოდგენიდან (იმისდამხედვეთ, რომელი უფრო გვიან მოხდება).

3.2.5 სატენდერო წინადადების ერთეულის და საერთო ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაეკავშირება ანაზღაურებას;

3.2.6 პრეტენდენტს არა აქვს უფლება წარმოადგინოს ალტერნატიული წინადადება;

4. საკვალიფიკაციო მონაცემების დამადასტურებელი დოკუმენტები

4.1 საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

5. შესყიდვის ობიექტის ტექნიკური მოთხოვნები

5.1 შესყიდვის ობიექტი: მსხვილფეხა მეწველი პირუტყვი (ფურები) ქვემოთ მოცემული ტექნიკური მახასიათებლების შესაბამისად:

5.2. მსხვილფეხა მეწველი პირუტყვი (ფურები) უნდა იყოს კლინიკურად ჯანმრთელი, დანომრილი სპეციალური საყურე ნიშნებით; ცხოველებს თან უნდა ახლდეს სახელმწიფო კომპეტენტური ორგანოს მიერ გაცემული ჯანმრთელობის მდგომარეობის შესაბამისი დოკუმენტი;

5.3. ჯანმრთელობის მდგომარეობის შესახებ დოკუმენტში აღნიშნული უნდა იყოს:

ა) ცხოველთა დიაგნოსტიკური გამოკვლევები: ბრუცელოზსა და ტუბერკულოზზე ცხოველების მიწოდებამდე არაუმეტეს 1 თვისა. ბრუცელოზზე შესაბამისი ლაბორატორიული დასკვნა უნდა ადასტურებდეს მათ ჯანმრთელობას;

ბ) შესასყიდ ცხოველებს ჩატარებული უნდა ჰქონდეთ დაცვითი აცრები: ჯილეხზე, პასტერელოზზე, ემფიზემურ კარბუნკულზე (ემკარი) მიწოდებამდე არანაკლებ 14 დღისა, ხოლო თურქულზე – 21 დღისა.

აღნიშნული დაავადებების საწინააღმდეგოდ ცხოველთა იმუნიზაციის ვადა არ უნდა აღემატებოდეს 5 თვეს;

გ) შესასყიდ ცხოველებს ჩატარებული უნდა ჰქონდეთ სამკურნალო-პროფილაქტიკური დამუშავება ენდო და ექტო პარაზიტებზე მიწოდებამდე არანაკლებ 28 დღისა და არაუმეტეს 3 თვისა.

5.4. მსხვილფეხა მეწველი პირუტყვის (ფურები) ასაკი არ უნდა აღემატებოდეს 5 წელს;

5.5 მოწოდების მომენტში ერთ დღეში ერთი სული საქონლის მონაწველი არ უნდა იყოს 8 ლიტრზე ნაკლები.

5.6. შესყიდვის ობიექტის მიწოდების ვადა: ერთიანად ან ეტაპობრივად, არაუგვიანეს ხელშეკრულების გაფორმებიდან 2012 წლის 31 მაისამდე.

5.7. მსხვილფეხა მეწველი პირუტყვის (ფურები) მიწოდების ადგილია კახეთის რეგიონი. მათ შორის:

ა) გურჯაანის მუნიციპალიტეტი სოფელი ვაზისუბანი 10 სული, სოფელი კარდენახი 2 სული.

ბ) სიღნაღის მუნიციპალიტეტი სოფელი ილიაწმინდა (ყოფილი ულიანოვკა) 12 სული, სოფელი ბოდბე 2 სული, სოფელი ვაჭირი 2 სული.

გ) ახმეტის მუნიციპალიტეტი სოფელი ფოჩხოვანი 4 სული, ყვარლის მუნიციპალიტეტი სოფელი ენისელი 2 სული.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:
 სატენდერო კომისიის აპარატის წევრები:
 დავით ლოლაძე: ტელ: 2 31 15 80;
 ნინო ჯავახიშვილი: ტელ: 2 31 13 43;

შენიშვნები:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მოცემულია საიტზე: www.procurement.gov.ge;

სახელმწიფო შესყიდვების შესახებ ხელშეკრულების პროექტი
ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. თბილისი

-- ----- 2012 წელი

შემსყიდველი: -----

მისამართი: თბილისი, -----

საიდენტიფიკაციო კოდი: -----

მიმწოდებელი: იურიდიული მისამართი: ფაქტიური მისამართი:

საიდენტიფიკაციო კოდი: საბანკო რეკვიზიტები:

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება #SPA 1200 -----) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს -----
----- (შემდგომში „საქონელი“) შესყიდვა დანართში მოცემული ტექნიკური მოთხოვნების შესაბამისად.

1.2. CPV კოდი –03300000, 03322000.

მუხლი 2. ხელშეკრულების შესრულების კონტროლი

2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს -----

2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. საქონლის მიღება-ჩაბარების წესი

3.1. მიმწოდებელმა საქონლის შემსყიდველისათვის მიწოდება უნდა განახორციელოს ერთიანად ან ეტაპობრივად არაუგვიანეს 2012 წლის 31 მაისამდე, შემდეგ მისამართზე: კახეთის რეგიონია გურჯაანის მუნიციპალიტეტი სოფელი ვაზისუბანი 10 სული, სოფელი კარდენახი 2 სული.

ბ) სიღნაღის მუნიციპალიტეტი სოფელი ილიაწმინდა (ყოფილი ულიანოვკა) 12 სული, სოფელი ბოდბე 2 სული, სოფელი ვაქირი 2 სული.

გ) ახმეტის მუნიციპალიტეტი სოფელი ფოჩხოვანი 4 სული, ყვარლის მუნიციპალიტეტი სოფელი ენისელი 2 სული.

- 3.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.4. მიწოდებული საქონლის საბოლოო შემოწმების ადგილია კახეთის რეგიონი.
- 3.5. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.
- 3.6. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმომწერი პირია -
- .

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს ლარს („ხელშეკრულების ფასი“).
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიწოდებული საქონლის ღირებულების გადახდა ხორციელდება უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად შესყიდვის ობიექტის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამხედვეთ რომელი უფრო გვიან მოხდება) არაუმეტეს 20 (ოცი) სამუშაო დღის განმავლობაში.

მუხლი 5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული საქონელი.
- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ფასი ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული საქონელი.
- 5.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 6. გარანტია

- 6.1. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული.
- 6.2. გარანტიის მოქმედების პერიოდში მიმწოდებლის მიერ დანართში მოცემული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ანარაჯეროვნად შესრულების) შემთხვევაში, შემსყიდველი უფლებამოსილია დააკისროს მას

პირგასამტეხლო ხელშეკრულების ფასის 0,1%-ის ოდენობით, შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.

7.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველვადაგადაცილებულ დღეზეგადასახდელი თანხის 0,1%-ის ოდენობით.

7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

7.4. იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 5%-ს მხარეები უფლებამოსილნი არიან ცალმხრივად გაწყვიტონ ხელშეკრულება.

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 9.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა, ურთიერთშეთანხმების საფუძველზე.

მუხლი 9 დაუძლეველი ძალა

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ ათავისუფლდება ნაკისრი ვალდებულებებისაგან;

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 10. დავები და მათი გადაწყვეტის წესი

10.1 ხელშეკრულების მოქმედების პერიოდში წამოჭრილი ყველა დავა გადაიჭრება

ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 11. ხელშეკრულების მოქმედების ვადა

11.1 ხელშეკრულება ძალაში შედის ხელმოწერის დღიდან და მოქმედებს 2012 წლის --- ----- ჩათვლით.

მუხლი 12. ზოგადი დებულებები

12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

12.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს). მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

(უფლებამოსილი პირის სახელი,
გვარი, ხელმოწერა და თანამდებობა)

მიმწოდებლის მხრიდან:

(უფლებამოსილი პირის სახელი,
გვარი, ხელმოწერა და თანამდებობა)

ფასების ცხრილი

	საქონლის აღწერილობა	რაოდენობა (ცალი)	ერთეულის ფასი (ლარებში)	საერთო ფასი (ლარებში)
ჯამი				

შენიშვნა: ფასები მოიცავს საქონლის სათანადოდ მიწოდებისათვის აუცილებელ ყველა ხარჯს და კანონმდებლობით გათვალისწინებულ ყველა გადასახადს.

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა)

(უფლებამოსილი პირის ხელმოწერა)